

Transkription von Urkunde MGD 1493f

Ort, Datierung: Magdeburg, 1493-12-10

Signatur: Stadtarchiv Zerbst, MUB III, 859

Inhalt: Rat der Stadt Magdeburg: Schöffensbrief

Vnsenn fruntlikenn denst thouor(e)n Ersamenn bsunde(r)n guden fründe / vns hefft thouo(r)stande
gegeüen vnser Rades genothe Steffen Bode / wü he v(or)midesst dem Ersamenn Hanszen cleynsmede
vnde peter / wegener(e)n Jüwem Borgermeist(er) vnde Richter jarliker plege / vnde tinse haluen jn
schel vnde mangel sy , der haluen zee ohne / by jüwer leüe jndt Recht genodiget , vnde der wegen
binnen / jüwer Stadt na dussen negistkomenden twelfften sin schulde , des / he doch nach
v(er)hinderunge vnde noden nemliken als denne sin / natürlike broder jn dat werdige Sacrament der Ee
treden / vnde by liggen mothe , neynewiß by berngen vnde wardenn mö=/ge (etc.) Van des wegen
deme na js vnse gude wolmeyni(n)ge / fruntliken biddende jüwe leüe willen sick der dinge jtzündt /
vnder nemen , vnde de Saken jn der gn(ann)ten vo(r)horen vnde by=/leggen , wante jüwe leüe schullen
siner van des wegen to / gelike vnde aller billicheyte wol mechtich weszen So he des / jüwer leue wol
vorder mu(n)tliken berichten werdt vordenen / wy tigen jüwe Ersamheyde wur wy mogen vnde an /
vns gelanget wedderv(m)me jnflite g(er)ne Gescreuen vnder / vnser Stad Secret(um) Am dinsdage post
conzeptio(nis) ma(r)ie virg(in)e / glor(i)osissime anno domj(ni) (etc.) xciiij /

Radmann(e) vnde Innigesmeister(e) / der alden Stadt magdeborch /